



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismvs  
Catholicus, summam Christianæ institutionis IIII. libris  
succinctim complectens**

**Klinge, Konrad**

**Coloniae, 1570**

**VD16 K 1309**

Vita Monastica. tit. 298

**urn:nbn:de:hbz:466:1-29452**

includit, nec sit propter verbum & præceptum Dei, sed solum ab homine excogitatum, avaritiae & proprii commodi gratia. sic erat Corban Mat. 15. Iudorum, ad quos etiam dixit Christus: Hic populus (id est Iudaicus) labijs &cæ. Vide latius quid sit traditio humana supra. Patet ergo quod sectæ non habent iustam causam sui recessus. Nam nemo sic sentit de traditionibus humanis, sicut ipsi falsò interpretantur, &c.

## VITA MONASTICA.

## TITVLVS CCXCVIII.

Causa 8.

**M**ONACHI extollunt opera sua supra legem Dei, quam tamen nemo potest servare, id est, sua vota, paupertatem, castitatem, obedientiam, & illis volunt mereri vitam æternam. Subinde vendunt opera sua alijs, & illis donant vitam æternam. Tertiò, sepelunt in cuculla mortuos, ad merendam iustificationem aut remissionem. Et Missas venales habent pro viuis & mortuis, & aliud nihil sunt, quam collegia indoctorum hominum, securius & beatius viuentium quam alij homines. Summa, tota illorum vita est superstitione & erroribus plena. Ideo sunt deserenda monasteria, &cæ. & totum mundum deceperunt sua falsa doctrina.

Primo, in vita monastica duo sunt; fides Christi, & præceptorum Dei obseruantia. Subinde specialis vestitus, & cæremoniae, inclusio in monasterio, & debitis ac certis horis die noctuque cultus diuinis consumatio, & omnino pro communis statu Ecclesie, aut studendo, aut prædicando, aut confessiones audiendo, &c. In fide pares sunt omnibus fidelibus baptizatis, Galat. 3. Omnes vos vnum estis in Christo, Iudei & Gentes, id est, in fide: hic Cæsar, rusticus, vir & mu-

& mulier, monachus & sacerdos pares sunt. Subinde, quo ad obseruantiam preceptorum quoque ex aequo sunt pares & obligantur. Nam fides legem non abolet, Roman. 3. Sic Ioannes Baptista fide ih Christum & obseruātia legis, par erat ceteris. Sic est vnum fundamentum salutis laicis & clericis, præter quod non potest aliud ponи, i. Corint. 3. quod est Iesus Christus, qui tollit peccata mundi, Ioan. 1. Et agnus Dei est pro nostris peccatis oblatus solus, non Dominicus, non Franciscus, aut aliquis sanctorum.

Secundō, supra hoc fundamentum alius ædificat aurum, alias fœnum, &c. et aut alia facit opera, & vi- tam ducit diuersam. Vnus sic viuit in seculari statu aut matrimonio, alias in monasterio, speciali vestitu, & operibus seruit Deo, & cuiusque opus probat ignis, id est, iudicium Dei, &c. sic Ioannes Baptista indutus pelle camelī, non bibens vinum, Matt. 3. habitan- tans in deserto &c. seruit Deo. Abraham, Dauid, Zacheus, Zacharias, communī vestitu morantur inter homines, & placent Deo, omnes seruiunt D E O: sed quis perfectior sit, Deus iudicat. Vita monastica eo fizne commendatur, quod commodiūs & minori impe- dimento facit seruire Deo & Euangeliō, seruare pre- cepta Dei, &c. quām in seculo quis posset curis se- cularibus impeditus. Sic castrant se propter regnū Dei, id est, ad seruendum Euāgelio, Mat. 19. Sic cum Chri- sto non habent, vbi caput reclinē, id est, nec diuitias, vsuras, castra, domos proprias, nisi ad inhabitādum. Sic cum Christo seruant obedientiam, vnuquisq; in suo genere. Sic etiam faciunt in monasterio propter Christum, qui obediens fuit patri, Phil. 2. Hæc enim mala esse non possunt, &c.

Tertiō, tribuere meritum remissionis peccatorum & vitæ æternae, vitæ monasticæ & suis ceremonijs, falsum est. Vnus est Deus, qui propter Christum iustifi- cat Roman. 3. & 8. Vendere opera, Missas, sicuti ven-

TTt 2 duntur

## 656 SUMMA DOCTR. CHRIST.

duntur calceamenta, falsum est. Nam est hic fraterna & amicabilis commutatio, quam Paulus Galat. 6.1, Corinth. 9. Si vobis spiritualia seminamus, vel orando pro vobis, aut prædicando & docendo, &cæt. Magnum videtur vobis, si carnalia vestra metamus? cullam mortuo dedisse remissionem peccatorū, nemo inquit docuit: sicut quibusdam cōcessa, qui eam petierunt in eum finem, ut cæteri viderent ex tali ueste penitentiae se verè doluisse de peccatis suis, sicut etiam sepulcris imponitur crux de absinthio, &c. Monachos falsa doctrina mundum corrupisse, hoc non de antiquis monachis, Augustino, Hieronymo, Gregorio, Hilario, nec de recentioribus doctis & sanctis monachis, quorum scriptorum maximus est numerus in Ecclesia, &c. est, sed de Pelagio, Lutero, Oecolampadio, Munstero, Spangenbergio, Guttelio, Bucero, & alijs apostatis Monachis intelligendum est. Summa, auaritia ad bona temporalia inculpat Monachos, & restuant illorum possessiones, odium quoque in personas propter reclamationem & heresim, nam omnis apostata est persecutor sui ordinis. Sic de Ioanne Baptista, licet esset sanctissimus inter natos mulierum, Matt. 11, attamen Iudei dicunt, dæmoniū habet, & de Christo, quia comedit & babit cum peccatoribus, dicunt eum potatorē vini, &c. Sic est mūdus immūdus, sed inquit Christus, cui assimilabimus, &c.

*QVOD MORTVOS HOMINES ADORAMUS.*

TITVLVS CCXCIX.

Cau. 10.

**D**icitur quia inquiunt: Nos adoramus sanctos, qui mortui sunt, & nesciunt nostras preces, attamen illos inuocamus: deinde mediatores illos facimus & auxiliatores, qui nobis auxiliātur in tribulatione & nostra necessitate, tribuentes huic sanctitatem, alteri fortunā. Postremū,